

lichen volcks andacht/Ordenen vnd wollen wir/das zu folge des Reichs abschied/in allen Steten/Flecken vnd dörffern/beider vnser Ertz vnd Stifft Magdeburg vnd Dalberstat/alle tage zu zwölff horen / eine bethglocke geleutet werde / Vn d alle vnd ioe Christenleuth: zu der zeit/ wenn dieselbige glocke geleutet werde/ihr andechtig gebet zu Gotte dem almechtigen sprechen / Auch das also zuthun/von iren Pfarrherren vnde Predigern vleissig vnderwiesen vnd vormanet werden.

Dem allen nach gebieten wir euch allen vnd iden vnsern vnd vnserer Ertz vnnnd Stifft Magdeburg vnd Dalberstadt Vnderthanen vnnnd vorwandten/Geistlichen vnd Weltlichen / Das jr alle samptlich vnd sonderlich/euch zu diesem heilsamen guten werck/ so zu vnderhaltung des Christlichen Kriegsvolcks/wider vnser Heiligen Christlichen glaubens vnd namens Erbfeindt dem Türcken/ zu rettung des Christlichen bluts/auch zu schutz vnd schirm vnser gemeinen Vaterlands Deutscher Nation/vnd vnser vnd ewer selbst Leibe/Seelen/Eher/Gut/Weib vnd Kinder/auch vnserer aller freyheit / nodtwendiglich vnd Christlich fürgenomē ist/gehorsamlich vnd gutwilliglich ertzeigen vnd beweisen wolle. Die peen vnd straffe/in dieser Ordnung / auch in dem jüngsten Speyrischem Reichs abscheide vorleibt/zunormiden. Darane thüt jr/zusampt ewer selbst wolfarth vnser ernst beuelch vnd meinung. Geben in vnser Stadt Halle auff Sanct Moritzburgk/ am
Sonntag